

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik

Broj: 02/12-49-21849/19  
Sarajevo, 24.12.2019 godine

Na osnovu člana 70. stav 1. i 3. Zakona o javnim nabavkama ("Službeni glasnik", br. 39/14), člana 14. Pravilnika o nabavci roba, uvršenju usluga i ustupanju radova br. 09-05-26263/15 od 27.11.2015 godine, Pravilnika o izmjenama i dopunama Pravilnika o nabavci roba, uvršenju usluga i ustupanju radova br. 02/12-05-10708/18 od 16.05.2018. godine, Pravilnikom o uvjetima i načinu korištenja E-aukcije, u predmetu- nabavka kancelarijskog namještaja, konkurentski postupak objavljen na Portalu javne nabavke, broj obavještenja 422-7-1-290-3-159/19 od 11.11.2019. godine, na preporuku Komisije za javne nabavke roba i usluga od 16.12.2019.g, Općinski načelnik, donosi

### **ODLUKU**

- 1) Prihvata se ponuda ponuđača DIJAL „M“ d.o.o. Sarajevo u predmetu javne nabavke- nabavka kancelarijskog namještaja, konkurentski postupak objavljen na Portalu javne nabavke, broj obavještenja 422-7-1-290-3-159/19 od 11.11.2019. godine, sa ponudom u iznosu od 54.997,02 KM sa PDV- om.
- 2) Zadužuje se Služba za zajedničke poslove, da obavjesti učesnike postupka o donošenju Odluke o rezultatima okončanog postupka javne nabavke i izboru najpovoljnijeg ponuđača i zaključi ugovor po konačnosti iste u skladu sa članom 72. Zakona o javnim nabavkama.
- 3) Obavezuje se ponuđač iz člana 1. ove Odluke da u roku od 5 (pet) dana od zaprimanja iste, dostavi dokumente koji se odnose na član 45. stav 2. tačka od a) do d) Zakona. Dokazi koji se zahtijevaju moraju biti original ili ovjerene kopije i ne mogu biti stariji od 3 mjeseca računajući od momenta predaje ponude.
- 4) Protiv ove Odluke dozvoljena je žalba u roku od 5 dana od dana prijema iste, a koja odlaže izvršenje.

### **Obrazloženje**

Zapisnikom sa otvaranja ponuda od 22.11.2019. godine, konstatovano je da je zaprimljeno pet ponuda, i toponude ponuđača:

1. «Hafele BH» d.o.o. Gračanica, sa ponudom u iznosu	54.690,48 KM
2. «R&S» d.o.o. Sarajevo, sa ponudom u iznosu	60.243,88 KM
3. «ATRIKA HOME DESIGN» d.o.o.Sarajevo, sa ponudom u iznosu	72.156,47 KM,
4. «DIJAL M» d.o.o. Sarajevo, sa ponudom u iznosu	54.997,02 KM
5. «FREKFENT» d.o.o. Sarajevo, sa ponudom u iznosu	54.756,00 KM

Komisija je detaljnom analizom pristiglih ponuda, odnosno dokumentacije kojom su ponuđači dokazali svoje kvalifikacije za učešće u ovom postupku, utvrdila da ponuda ponuđača «DIJAL M» d.o.o. Sarajevo, ispunjava uslove specificirane u tenderskoj dokumentaciji, ta da je ista računski ispravne.

- Ponuda ponuđača «ATRIKA HOME DESIGN» d.o.o.Sarajevo ne ispunjava uslove iz tačke 3.1.4. tenderske dokumentacije; ponuda nije uvezana (pod čvstnim uvezom podrazumijeva se ponuda ukoričena u knjigu ili ponuda osigurana jamstvenikom), sve strane ponude moraju biti numerisane...kako je navedeno tačkom 3.1.4. tenderske dokumentacije. Nadalje, nije dostavljena potvrda Centralne banke kako je traženo tačkom 2.3.2 pod a) a u vezi sa tačkom 3.2.1.7. tenderske dokumentacije, izjava Anex 6./neovjerena, nije dostavljen spisak izvršenih ugovora ponuđač sa potvrdom (ponuđač je dužan dostaviti najmanje jednu potvrdu za ugovor koji za predmet ugovora ima robe u vezi sa predmetom nabavke vrijednosti najmanje 55.000,00 KM s PDV-om koju je izdala ugovorna strana – naručilac roba, a koja sadrži naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora i navode o urednom izvršenim ugovorima(original ili ovjerene kopije) tačka 3.2.1.8. tenderske dokumentacije. Shodno navednom a u skladu sa članom 68. Zakona, tačkom 3.1.1 tenderske dokumentacije, ponuda ponuđača «ATRIKA HOME DESIGN» d.o.o.Sarajevo, odbačena je kao neprihvatljiva.

- Ponuda ponuđača «Hafele BH» d.o.o. Gračanica ne ispunjava uslove iz tačke 3.2.1. pod 8). tenderske dokumentacije – potvrda za ugovor koji za predmet ugovora ima robe u vezi sa predmetom nabavke vrijednosti najmanje 55.000,00 KM s PDV-om koju je izdala ugovorna strana – naručilac roba, a koja sadrži naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora i navode o urednom izvršenim ugovorima (original ili ovjerene kopije).Uvidom u dostavljenu dokumentaciju, konstatovano je da su dostavljene kopije potvrda na stanicama 51. i 53. ponude, koje nisu ovjerene od strane nadležnog organa, tačka 3.2.2. tenderske dokumentacije. Shodno navednom, a u skladu sa članom 68. Zakona o javnim nabavkama kao i tačke 3.1.1. tenderske dokumentacije, ponuda ponuđača «Hafele BH» d.o.o. Gračanica, odbačena je kao neprihvatljiva.

-Ponuda ponuđača « FREKFENT » d.o.o. Sarajevo, ne ispunjava uslove iz tačke 3.2.1. pod 9) tenderske dokumentacije, obzirom da dostavljeni katalog ne sadrži tehnički opis/specifikaciju robe koja se nudi u kojem moraju biti sadržani opisi i fotografije ponuđene robe u cilju utvrđivanja da ponuđena roba zadovoljava tražene karakteristike navedene u obrascu za cijenu ponude Aneksu 3. tenderske dokumentacije.Ponuda nije potpisana od strane ovlaštenog lica navedenog u Rješenju Općinskog suda u Sarajevu, tj. direktora društva, a za potpisnika nije dostavljeno ovlaštenje, shodno članu 58. stav (1) pod tačkom g) Zakona o javnim nabavkama, kojim je propisano da “Svaka ponuda obavezno sadrži sljedeće elemente: potpis podnosioca ponude ili ovlaštene osobe na osnovu punomoći koja u tom slučaju mora biti priložena u originalu ili ovjerenoj kopiji“. Shodno navednom a u skladu sa članom 58. i 68. Zakona i tačkom 3.1.1 tenderske dokumentacije, ponuda ponuđača « FREKFENT » d.o.o. Sarajevo odbačena je kao neprihvatljiva.

-Ponuda ponuđača «R&S» d.o.o. Sarajevo ne ispunjava uslove iz tačke 3.2.1. pod 3) Aneks - a 3, a u vezi sa tačkom 9. tenderske dokumentacije.Uvidom u katalog sa tehničkim opisom ponuđene robe, konstatovano je da za pozicije pod rednim brojem 9. i 12., ponuđena roba ne odgovara traženim karakteristikama u pogledu traženih dimenzija (pod rednim brojem 9. tražene dimenzije 160x120x40, ponuđene 160x120x45, a pod rednim brojem 12. tražene dimenzije 135x90x40, a ponuđene 135x90x45). Shodno navednom, a u skladu sa članom 68. Zakona i tačkom 3.1.1 tenderske dokumentacije, ponuda ponuđača«R&S» d.o.o. Sarajevo odbačena je kao neprihvatljiva

U postupku donošenja Odluke cjeneći da se radi o konkurentskom postupku objavljenom na Portalu javnih nabavki, broj 422-7-1-290-3-159/19 od 11.11.2019. godine, da je dostavljeno pet ponuda od kojih jedna ispunjava kvalifikacione uslove iz tenderske dokumentacije, primjenom kriterija «najniža cijene », shodno članu 64. stav 1. tačka b) Zakona o javnim nabavkama i člana 3. Pravilnikom o uvjetima i načinu korištenja E-aukcije, odlučeno je kao u dispozitivu Odluke.

**Pouka o pravnom lijeku:**

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

**DOSTAVITI:**

1. Služba za zajedničke poslove
2. U spis



Općinski načelnik  
mr Semir Efendić

*Semir*